

V E N D I M
Nr.564, datë 13.10.2001

PËR KUOTAT FINANCIARE TË USHQIMIT NË MENCAT E KONVIKTEVE, BURSAT E SHTETIT DHE PAGESAT E FAMILJEVE TË NXËNËSVE, STUDENTËVE DHE FËMIJËVE QË PRANOHEN NË SHTËPITË E FËMIJËS, NË INSTITUTIN E FËMIJËVE QË NUK DËGJOJNË E NUK SHIKOJNË DHE NË INSTITUTIN E FËMIJËVE ME PRAPAMBETJE TË LEHTË MENDORE

PËR KUOTAT FINANCIARE TË USHQIMIT NË MENCAT E KONVIKTEVE, BURSAT E SHTETIT DHE PAGESAT E FAMILJEVE TË NXËNËSVE, STUDENTËVE DHE FËMIJËVE QË PRANOHEN NË SHTËPITË E FËMIJËS, NË INSTITUTIN E FËMIJËVE QË NUK DËGJOJNË E NUK SHIKOJNË DHE NË INSTITUTIN E FËMIJËVE ME PRAPAMBETJE TË LEHTË MENDORE.

Në mbështetje të nenit 100 të Kushtetutës të nenit 7 të ligjit nr.8718 datë 19.12.2000 "Për buxhetin e shtetit, të vitit 2001", të shkronjës "c" të nenit 32 të ligjit nr.8461, datë 25.2.1999, "Për arsimin e lartë në Republikën e Shqipërisë", dhe të nenit 63 të ligjit nr.7952, datë 21.6.1995, "Për sistemin arsimor parauniversitar", me propozimin e Ministrit të Arsimit dhe Shkencës, Këshilli i Ministrave

V E N D O S I:

1. Nxënësve dhe studentëve u jepet bursë ose gjysmë bursë, çdo vit, sipas parashikimit vjetor të Buxhetit të Shtetit, miratuar për Ministrinë e Arsimit dhe Shkencës.

2. Bursë ose gjysmëbursë përfitojnë:

a) nxënësit dhe studentët që plotësojnë kriterin ekonomik, sipas pasqyrave nr.1 dhe nr.2, që i bashkëlidhen këtij vendimi;

b) nxënësit që banojnë në fshat, të cilët nuk kanë ndonjë shkollë 8-vjeçare brenda rrezes prek 5 km dhe transport të garantuar, e që vendosen në konvikt;

c) nxënësit dhe studentët jetimë, që përfitojnë të gjitha të drejtat që u jep ligji për jetimët, në të gjitha kategoritë e shkollave;

ç) studentët e divorcuar;

d) secili nga studentët bashkëshortë, që ka fëmijë;

dh) nxënësit dhe studentët, të cilët kanë humbur kujdestarinë prindërore me vendim gjykatë të formës së prerë.

Nxënësit dhe studentët jetimë, studentët e divorcuar, nxënësit dhe studentët e braktisur që trajtohen me bursë ose gjysmëbursë, e përfitojnë atë dhe gjatë pushimeve verore. Bursa ose gjysmë bursa gjatë pushimeve të jepet nga institucioni arsimor përkatës me lekë në dorë;

e) studentët që vazhdojnë studimet në Universitetin e Tiranës, në Fakultetin e Shkencave të Natyrës, në degët matematikë, fizikë, si dhe ata studentë që kanë përfituar bursë sipas këtij kriteri, të trajtohen me bursë deri në përfundim të studimeve, jashtë kriterit ekonomik.

Për këtë kategori studentësh, bursat të shpërndahen nga Universiteti i Tiranës, Fakulteti i Shkencave të Natyrës, sipas planit të miratuar nga Ministria e Arsimit dhe Shkencës, në bazë të kuotave të pranimit të miratuara nga Këshilli i Ministrave, për këto degë.

ë) Nxënësit, në arsimin e mesëm profesional, që kanë mbaruar vitin shkollor paraardhës me të gjitha notat 10-ta marrin bursë të plotë.

f) Studentët që kanë mbaruar vitin akademik paraardhës me të gjitha notat 10-ta, marrin bursë të plotë.

g) Studentët e viteve të dyta e lart që plotësojnë kriteret ekonomike, jashtë bursave të ndërmjetme, marrin bursë nga universitetet, me miratimin e drejtorisë ekonomike pranë Ministrisë së Arsimit dhe Shkencës. Numri i bursave, për këtë qëllim është deri në 100, sipas planit të shpërndarjes, të hartuar nga kjo drejtori për të gjitha universitetet, brenda numrit të bursave të vitit të parë, të miratuara me këtë vendim.

gj) Pedagogët, punonjësit pedagogjikë e kërkimorë, që kryejnë kualifikim shkencor, në

mbështetje të vendimit nr.786, datë 17.12.1998, të Këshillit të Ministrave.

Kjo kategori përfiton çdo të drejtë që gëzojnë studentët. Plani për këtë kategori bursistësh të jetë jo më shumë se 10 bursa, brenda planit të vitit të parë. Shpërndarja e këtyre bursave të bëhet nga Ministria e Arsimit dhe Shkencave.

3. Bursë dhe gjysmëbursë nuk përfitojnë:

a) nxënësit dhe studentët e familjeve, që ushtrojnë veprimtari private, sipas dispozitave ligjore në fuqi;

b) nxënësit dhe studentët e ndarë nga trangu familjar. Për efekt trajtimi me bursë, merren për bazë të ardhurat ekonomike të të gjithë familjes nga e cila është ndarë dhe certifikata familjare para ndarjes;

c) më shumë se një person në familje, përveç rasteve të parashikuara në shkronjat "ç", "d", "dh" dhe "f", të pikës 2 të këtij vendimi;

ç) nxënësit e shkollave 8 vjeçare, të mesme dhe studentët që nuk fitojnë klasën apo vitin.

4. Studentët, pavarësisht nga kriteret, nuk mund të përfitojnë bursë ose gjysmëburse më tepër se vitet e shkollimit, të përcaktuara në planin mësimor për degën përkatëse.

5. Këshillat e qarkut, me propozimin e këshillave të komunave dhe të bashkive kanë të drejtë të miratojnë bursë ose gjysmë bursë jashtë kriterëve të përcaktuara në këtë vendim, brenda planit të vitit të parë, ku për çdo rreth planifikohen jo më shumë se 3 bursa. Këshilli bashkiak i Tiranës ka të drejtë të japë deri në 30 bursa. Këto bursa duhet të kundërfirmosen, për efekt plani, nga drejtori i drejtorisë arsimore në rreth.

Nxënësi dhe studenti e përfiton këtë bursë për gjatë gjithë viteve të planifikuara të shkollimit. Në rastet kur nxënësi ose studenti që përfiton këtë lloj burse, ndërpret shkollën për arsye të ndryshme, i humbet e drejta e kësaj burse.

6. Bursistët jetimë të shtëpive të fëmijës dhe të shkollave të mesme e të larta, nxënësit e institutit të fëmijëve që nuk shikojnë dhe që nuk dëgjojnë, si dhe emigrantët politikë përfitojnë falas veshmbathje, libra, fletore, sipas normave të përcaktuara në natyrë, sipas pasqyrës nr.5, që i bashkëlidhet këtij vendimi. Këto kategori nxënësish përfitojnë falas nga shteti, shërbimin mjekësor, në kuotën deri në 200 lekë në muaj për nxënësit, si dhe shërbimin shëndetësor dentar.

Kuota e ushqimit dhe shpenzimeve të vogla, për nxënësit e institucioneve të arsimit special, me konvikt, të jetë sipas pasqyrës 5/1 që i bashkëlidhet këtij vendimi.

Fëmijët e institucioneve, të arsimit special, pa konvikt, trajtohen falas nga shteti me një vakt ushqimi (drekë) dhe me mjete shkollore. Kuota ushqimore, për këtë kategori nxënësish, të jetë 70 lekë në ditë.

Mësuesit dhe edukatorët e institucioneve të mësipërme, gëzojnë të drejtën e një vakti (drekë), me vlerë deri në 70 lekë në ditë. Kuota financiare ushqimore, ditore, për studentin të jetë sipas pasqyrës nr.7, që i bashkëlidhet këtij vendimi. Nxënësve dhe studentëve jetimë, bursistë, u jepen lekë në dorë për nevoja vetjake, përkatësisht 500 dhe 700 lekë në muaj. Këtë të drejtë e gëzojnë dhe kur kurohen në institucionet shëndetësore.

7. Niveli i bursave dhe i kuotave financiare të ushqimit për të gjitha kategoritë e shkollave, të jetë sipas pasqyrave nr.3 dhe nr.4, "Për nivelin e bursave dhe të kuotave financiare ditore", që i bashkëlidhen këtij vendimi. Kuota ushqimore për nxënësit dhe studentët në lekë të jetë sipas pasqyrës nr.6 dhe kuota financiare në natyrë, për ushqim, e studentëve të jetë sipas pasqyrës nr.7, që i bashkëlidhen këtij vendimi.

Për ata nxënës ku konviktet nuk funksionojnë si pasojë e shkatërrimeve të vitit 1997 bursa u jepet me lekë në dorë.

Bursa e plotë dhe gjysmëbursa për studentët jepet me lekë në dorë.

8. Nxënësve dhe studentëve u ruhet bursa, kur humbasin vitin shkollor apo akademik për arsye shëndetësore ose fatkeqësi familjare.

9. Kur institucioni arsimor kryen zyrtarisht transferimin e së drejtës së studimit, bashkë me të transferon edhe planin e bursës që ka gëzuar studenti. Transferimi i bursës së nxënësit bëhet me miratimin e drejtorisë ekonomike pranë Ministrisë së Arsimit dhe Shkencës.

Bursa dhe gjysmëbursa për vitet e para të shkollave 8-vjeçare, të mesme dhe të larta miratohet me vendim të këshillit bashkiak apo të komunës, ku ka vendbanimin e përhershëm nxënësi apo studenti.

10. Drejtoritë arsimore në rrethe bëjnë shpërndarjen e planit të bursave, duke përfshirë edhe

bursat jashtë kriterit, që miratohen nga këshillat e qarqeve apo nga këshilli bashkiak i Tiranës, brenda planit të vitit të parë.

Bursat ose gjysmëbursat për nxënësit dhe studentët e të gjitha niveleve për vitet e para të kundërfirmosen, për efekt plani, nga drejtori i drejtorisë arsimore të rrethit, në përputhje me planin e dërguar nga Ministria e Arsimit dhe Shkencës. Drejtoritë arsimore mbajnë një kopje të vendimit dhe dërgojnë një kopje të listës së nxënësve dhe studentëve bursistë, në shkolla apo universitete dhe një kopje pranë Drejtorisë Ekonomike të Ministrisë së Arsimit dhe Shkencës.

Bursa e studentëve të vitit të parë të shpërndahet vetëm pasi të jenë dërguar zyrtarisht listat nga drejtoritë arsimore të rretheve.

Bursat ose gjysmëbursat për nxënësit dhe studentët e viteve të dyta e lart të rishqyrtohen e miratohen nga vetë shkollat dhe universitetet ose nga institucionet përkatëse.

11. Të drejtat që nxënësit dhe studentët përfitojnë sipas këtij vendimi i gëzojnë nga data e fillimit të vitit të ri shkollor apo akademik e deri në përfundim të tij, duke përfshirë dhe sezonin e provimeve. Në periudhën e pushimeve verore nxënësit dhe studentët nuk përfitojnë bursë ose gjysmë bursë, përveç rasteve të parashikuara në këtë vendim.

12. Ministrisë së Arsimit dhe Shkencës, për vitin shkollor dhe akademik 2001-2002, i jepen 900 bursa për arsimin e mesëm dhe 1100 bursa për arsimin e lartë.

13. Afati përfundimtar për shqyrtimin dhe miratimin e bursave nga viti i dytë e lart, për të gjitha kategoritë e shkollave, të jetë data 30 tetor 2001.

14. Afati përfundimtar për shqyrtimin dhe miratimin e bursave për arsimin e lartë, të vitit të parë, të jetë data 30 nëntor 2001.

Çdo shqyrtim dhe miratim jashtë këtij afati përbën shkelje të disiplinës financiare si për organin miratues, ashtu dhe për atë pranues.

Personat përgjegjës ngarkohen të zhdëmtojnë shumat e marra padrejtësisht, me propozimin e organit të kontrollit dhe me miratimin e titullarit të institucionit qendror, duke ndërprerë menjëherë dhënien e mëtejshme të kësaj burse.

15. Kuotat financiare të ushqimit në menca rriten nga Ministria e Arsimit dhe Shkencës, Ministria e Financave dhe Ministria e Pushtetit Vendor dhe Decentralizimit, në varësi nga idenksimi i çmimeve të konsumit, por jo më shumë se një herë në gjashtë muaj.

Efektet financiare që rrjedhin nga idenksimi i kuotës financiare të ushqimit të përballohen nga Ministria e Arsimit dhe Shkencës.

16. Çdo vendim apo udhëzim për bursën, kuotën ushqimore, veshmbathjen dhe shpenzime të tjera për nxënësit, nxënësit e arsimit special e jetimët dhe studentët, shfuqizohet.

Ky vendim hyn në fuqi pas botimit në Fletoren Zyrtare.

KRYEMINISTRI
Ilir Meta

Kushtet ekonomike të nxënësit për dhënien e bursës

PASQYRA NR.1

Në lekë

Nr	Përbërja familjare	Të ardhurat për frymë në familjet e nxënësve		
		Bursa	Gjysmëbursa	Me pagesë
1	Për familjet me 2 persona	1550	1550-2650	mbi 2650
2	Për familjet me 3 persona	1350	1350-2350	mbi 2350
3	Për familjet me 4 persona	1250	1250-2300	mbi 2300
4	Për familjet me 5 persona	1150	1150-2200	mbi 2200
5	Për familjet me 6 persona	1050	1050-2145	mbi 2145
6	Për familjet me 7 persona	1000	1000-2100	mbi 2100
7	Për familjet mbi 7 persona	900	900-2000	mbi 2000

Shënim: Nxënësit nga fshati përfitojnë bursë të plotë, kur familja fshatare përfiton ndihmë ekonomike të plotë dhe 70 për qind të bursës së plotë, kur familja fshatare përfiton ndihmë ekonomike të pjesshme, të tjerët me pagesë.

Kushtet ekonomike të studentit për dhënien e bursës

PASQYRA NR.2

Në lekë

Nr	Përbërja familjare	Të ardhurat për frymë në familjet e nxënësve		
		Bursa	Gjysmëbursa	Me pagesë
1	Për familjet me 2 persona	1980	1980-3190	mbi 3190
2	Për familjet me 3 persona	1760	1760-2860	mbi 2860
3	Për familjet me 4 persona	1650	1650-2800	mbi 2800
4	Për familjet me 5 persona	1485	1485-2750	mbi 2750
5	Për familjet me 6 persona	1375	1375-2673	mbi 2673
6	Për familjet me 7 persona	1300	1300-2596	mbi 2596
7	Për familjet mbi 7 persona	1254	1254-2486	mbi 2486

Shënim: Studentët nga fshati përfitojnë bursë të plotë, kur familja fshatare përfiton ndihmë ekonomike të plotë dhe 70 për qind të bursës së plotë, kur familja fshatare përfiton ndihmë ekonomike të pjesshme, të tjerët me pagesë.

Niveli i bursës dhe i kuotës ushqimore për studentin

PASQYRA NR.3

Në lekë

Nr	Kategoritë e studentëve sipas shkollave	Bursa	Mënyra e mbulimit		Mënyra e shpenzimit		Fjetja	
			Nga Buxheti	Nga studenti	Nga Buxheti	Nga studenti	Nga Buxheti	Nga studenti
1	Universitetet, Akademia e Arteve dhe Shkolla e Lartë e Infermierisë							
	Bursa	7200	7200		6500		700	
	Gjysmëbursa	7200	3600	3600	3250	3250	350	350
	Me pagesë			7200		6500		700
2	Studentët të ILKF "Vojo Kushi"							
	Bursa	7800	7800		7100		700	
	Gjysmëbursë	7800	3900	3900	3550	3550	350	350
	Me pagesë			7800		7100		700

Shënim: Pagesa për fjetjen e studentëve në konvikt caktohet nga MASH-i, por jo më pak se niveli i përcaktur në këtë pasqyrë.

Pagesa e fjetjes për pedagogët dhe specialistët të jetë 2000 lekë për dhomë.

Niveli i bursës dhe i kuotës ushqimore për nxënësin

PASQYRA NR.4

Në lekë

Nr	Kategoritë e nxënësve sipas shkollave	Bursa	Mënyra e mbulimit		Mënyra e shpenzimit	
			Nga Buxheti	Nga nxënësi	Ushqimi	Shpenz. të vogla
1	Shkolla 8-vjeçare e të mesme					
	Bursa	4500	4500		4350	150
	Gjysmëbursa	4500	2250	2250	4350	150
	Me pagesë			4350	4350	
2	Shkolla e Mjeshtërisë Sportive					
	Bursa	4950	4950		4800	150
	Gjysmëbursë	4950	2475	2475	4800	150
	Me pagesë			4800	4800	
3	Shkolla e Futbollit					
	Bursa	5650	5650		5500	150
	Gjysmëbursë	5650	2825	2825	5500	150
	Me pagesë			5500	5500	

Kuotat financiare të veshmbathjes

PASQYRA NR.5

Në lekë

Nr	Emërtimi	Kuotat financiare të veshmbathjes për një vit kalendarik
1	Për fëmijët e shtëpisë të moshës para shkollore	5000
2	Për fëmijët e shtëpisë të moshës shkollore dhe të institucioneve të nxënësve që nuk dëgjojnë, nuk flasin dhe nuk shikojnë	7000
3	Për jetimët e shkollave të mesme dhe të larta	10000

Niveli i bursës dhe i kuotës ushqimore për nxënësin e arsimit special

PASQYRA NR.5/1

Në lekë

Nr	Kategoritë e nxënësve sipas shkollave	Bursa	Mënyra e mbulimit		Mënyra e shpenzimit	
			Nga Buxheti	Nga nxënësi	Ushqimi	Shpenz. të vogla
1	Nxënësit jetim dhe të institucioneve speciale	5300	5300		5150	150

Kuota ushqimore ditore për nxënësiN dhe studentin

PASQYRA NR.6

Në lekë

1. Universitete, Akademia e Arteve dhe Shkolla e Lartë e Infermierisë 216.6 lekë në ditë.
2. Studentë të ILKF "Vojo Kushi" 236.6 lekë në ditë
3. Nxënës të shkollave tetëvjeçare dhe të mesme 145 lekë në ditë

Kuota financiare sipas normave në natyrë për ushqim të studentëve

PASQYRA NR.7

Nr	Emërtimi	Njësia e matjes	Norma mes.ditore	Çmimi mesatar	Vlera
1	Bukë	gram	600	66	39.6
2	Makarona	gram	30	88	2.64
3	Oriz	gram	30	88	2.64
4	Sheqere	gram	55	85	4.68
5	Fasule	gram	35	144	5.04
6	Patate	gram	200	60	12
7	Perime	gram	300	75	22.6
8	Fruta	gram	100	100	10
9	Vaj	gram	30	190	5.7
10	Gjalpë	gram	15	520	7.8
11	Mish	gram	100	600	60
12	Qumësht	gram	200	40	8
13	Djath	gram	40	350	14
14	Reçel	gram	40	250	10
15	Vezë	kokrra	1	10	10
16	Çaj, erëza etj.				1.9
	Kuota ditore				216.6